

子良詩存

子良詩存卷十六

番禺馮詢

余晴橋少尉

本寓

屬題帳簷斜倚薰籠圖

玉節纖纖弱弗勝
銀絲轉轉織初成
不知何處修來福
袖角裙邊過一生

熱甚春心不肯灰
幻成春色入帷來
使君要作揚州夢

督促梅花徹夜開

圖寫梅花數株

題舒自菴觀察親家

化民

一樹一翁圖遺照

有序

觀察既致仕歸數載復因避寇挈眷就養令嗣

椒孫刺史山左作一樹一翁圖照寄書囑題予
詩未成而觀察已返道山矣痛補題詠卽當輓

歌

嗚呼山可任一翁占一樹嗚呼山遂空一樹悲一翁名
山樹立有根柢翁乎與樹相終始在山何翹翹翁爲百
尺標出山何深深仄聲翁爲萬人蔭卅年縣令而監司盤
根錯節翁不辭春露秋霜總道澤森森古木祠堂側祀入
名憶昔功成歸去來未荒三徑供徘徊婆娑生意固不
盡庭槐毓秀階蘭培我幸蒹葭得倚玉兩家曾共綠楊

綠翁乎十畝樂閑閑我也一官慚碌碌無端烽火震鼓
鼙我留翁去悲臨歧獨立蒼茫感作畫殷勤問訊求題
詩嗟予憔悴亦翁矣爲翁題詩淚如泚梁木其壞哲人
無肝膽輪囷向誰是

爲蘇德軒翁題松下弄孫圖照

堂後百尺松堂前五尺童養松不厭老養兒不厭好做
廬要新陰種樹須及早萬水與千山歸來屋一間轉念
老翁心經營良獨難臺閣平津舊荒蕪爲馬廐何如畫
故園紙可千年壽

聞雞

嚶嚶東閣又西窗
夢斷繁華暗自傷
一樣雞聲人語夜
少年嫌短老嫌長

呼小僮打扇戲作

涼風只在殿西南
偏費扶搖大扇攙
靠到平頭奴子力
不如瀟灑脫官衫

賴虛舟屬題松菊三徑圖

有序

粵寇犯江彭澤至
擾吳城游宦獨甚憂
虞借君作題聊用寄慨

彭澤高風豈得親
披圖歸隱羨閒身
一尊送酒憐孤客
百首抄詩命故人
亂想草堂猶在世
老談花圃不宜春
因公重感參軍幕
悔擲山園逐戰塵

張六琴觀察

家駒

將赴河南大營過訪吳城賦贈

二律

丈夫旄節許酬恩
羽檄驚傳匹馬奔
何術華夷爭上海
時間賊逼上海此地
華夷雜處至爲邊患
此行旗鼓振中原
談兵杜牧無凡輩
噬賊張巡有子孫
莫怪從戎書遠志
功成須及老親存

百尺孤亭八面窗望湖偏喜浪聲撞三秋月滿人憑檻
萬里風豪客過江曾共危機知影幻偶聞高論覺心降
迴瀾可挽終應挽看畫樓船筆力扛觀察擬用水師訪
畫礮船式樣故詩
云

畫梅帳簷爲高郁文上舍

景周

題

高揚
州人

廿年走四方屢出揚州路可惜好梅花十度不一遇咸
豐壬子津門遊歸及花時過揚州趕程臘雪春風裏風
雪未殘烽火起穠桃艷李一痛消轉幸梅花先落矣梅
花倘有知應怪我來遲機緣一失重可惜十年望斷江

南北題襟江館舊主人今日相逢但唧唧君有五色筆
一枝倩友卻畫寒梅姿人影衣香渺何處亂離久負遊
春時遊春無人春自在溫柔鄉有英雄隊健兒朝出暮
榮歸一戰功成看花醉願君努力錦還家坐消艷福須
豪華我見斯圖翻惘惘一官不敵千夫長看取銷金帳
底人敢以風流笑麗黨

送景和總戎入覲

似公真不負斯遊百戰功成返

帝州計日早朝寒

賜宴殿前披出紫貂裘

金戈焜耀彩毫斑畫到南州唱凱還纔信將軍不好武

依然字水與文山

總戎好詩善作大字克復吉郡命畫工繪圖

安危未定賴忠勤北勦南征正苦辛

聖主需才今日重棟樑公欲薦何人

從戎猶記舊追陪轉爲憂時別恨催幕下陳書機會好

萬言只愧馬生才

讀舒自菴觀察遺集感題

記聞高論燦經綸讀遺編意倍親四海舊傳真率吏

百年今見老成人萊公不學防無術杜甫能書若有神
出處動關天下計豈徒治譜作家珍

龔黃召杜半虛稱粉飾何能致太平惴惴無華原史意
文章不朽是官聲六經以外羞言學三代而還賴好名
循吏儒林宜合傳漫誇刀筆漢公卿

泱泱渤海昔雄風多難重遊遂不同竟爾羣才空冀北
更誰長策治山東歲時伏臘祠堂在烽火關河客路窮
讀到成雲噓氣筆精神龍馬孰如公

集中昌黎龍噓氣成雲篇書後一則

平生風骨具見於斯

子良詩存

宦成身退絕塵喧那復南舟更北轅
卅載去留談父老一官功過看兒孫
飄颻白旆精魂返珍重青箱手澤存
生死無慚朝夕事似公聞道可能諉

寄南康顏小汾太守

使君高義聽民歌問訊公餘興若何
郡以周朱賢守重地兼吳楚好山多
雲泉索句心先淡烽燹尋碑迹易訛
老桂秋風無恙在十年攀折記曾過

鹿洞書院老桂一株傳是紫陽手植

馬小菴別駕

梁

自畫花卉四幅屬題各賦一絕句

以贈

仙園春色爲君儲似霧疑霞艷艷舒釀得酒痕紅上面

鑪邊揮翰馬相如

桃花

凝碧池頭爛漫材况餐風露絕塵埃怪君衣有清華氣

曾住紅蓮幕府來

荷花

落落丰姿淡淡粧闌殘秋色自低昂半凝半黯高人事

嫵媚迎風傲拒霜

芙蓉

鐵作枝柯玉作葩出山何處不風華閉門轉爲袁安惜

高卧奚裨負此花

梅花

爲小菴別駕題畫竹

修竹不受暑亦復不受寒美人薄翠袖徙倚愁無端何
如雨無心炎涼等閒觀羨君有成竹胸次常鬱盤奈何
凌霄姿屈置尺幅間節節較短長千人萬人看所幸性
不移瀟灑神自嫺借以寫已照無慚玉筍班

贈馬小菴別駕

別駕少年入
幕軍功起家

豫章別駕古君宗亂定題輿氣吐虹馬上功名消髀肉
幕中文字愈頭風廿年客倦心偏壯半刺官閒力易窮
到底英雄埋不得爲君沈醉過新豐

楊依廬文學

春芬

屬題園練鄉勇圖照

軌里連鄉推管子談兵首自鄉里始鄉鄰不救況四方
安用男兒掛弧矢我聞無敵是君家防邊萬里沙場沙
君今無權伏桑梓能庇一鄉亦奇士君不見周將軍斬
蛟射虎安鄉人又不見朱買臣里門誇耀旌旗新帶甲
紛紛求富貴故土輕離真失計英雄便似楚霸王孤負
江東才子弟

題鍾階平

國治

袖珍詩草

鍾江南人五品軍功時
客章門就丁恬生太守

戎幕

破臘回春草又青吳兒遊處覺塵馨禿襟小袖攜詩本

爛醉花前講武亭

一唱弓衣佩六鈞昂藏男子羨渠身苦心卻事丁都護
難得英雄作主人

結綵行

有序

爲烈女魏鏡清作也魏女衡西人許配同邑曾
氏子未婚曾歿女守志以身殉其仲叔蔭亭氏
作鏡清節畧有云女聞曾家訃至痛欲絕屢投
繯皆爲母救免母防益密盡搜室中之繩帶毒
物而火之女陰續寸縉索以成繩坐暗室熟習

於纒之易結而難解者數月家人莫之知卒自
經死女絕命詩有阿母不知人意惱朝朝猶勸
繡工夫之句作結絲行表之

欲結不得結結絲如結髮白髮已願虛紅絲亦緣絕絲
可穿明珠不得繫羅襦絲可織文錦不得成衾枕緯緯
復經經到頭直如繩甯爲斷絲死不作續絲生可惜幼
婦才一匹好黃絹欲買繡作郎恨未識郎面種絲見本
根有合不肯分洗絲見顏色有白不肯黑

重賦魏烈女詩

有女有女魏氏妹三十未有二十餘

年廿六歲

又廿五年而

後嫁季隗雖誓辭亦詐魏女不嫁何遲遲亂世諏吉長
愆期破鏡重圓不光彩鏡已鸞孤復何待爲知己死悅
亡容男女事異情則同況身已許從一終胡爲遭亂易
厥衷顛風驚春四面吹東家蝴蝶西家飛杜鵑啼血紅
染絲有鳥倒掛桃花枝繡閣中雕梁下柔腸斷俠淚灑
節難移命易捨可以風守土之官可以勵戰場之馬可
以愧千古之爲人臣而懷二心者

楊俊卿大令

長杰

寄示韓孝子

其煌

徵詩啟因述

啟中諸孝行爲長短句一章

楊侯作宰以孝治爲我述韓孝子事尋常孝行何足記
作詩表孝舉其異孝子方六歲哭墓已孝名無母有繼
母事死而事生孝子情至篤親疾尤所急嘗糞爲父甘
侍湯至母泣孝子誼至敦異母同一門守貧共昆弟撫
孤到子孫孝子雖遠客臨觴輒唧唧家貧念老親恐未
有此食孝子恨終天廬墓固早聞節忌必致齋墓祭終
其身天彰孝子德鱗蟲亦呈瑞入水魚自來入山蛇自
避天彰孝子德草木亦華敷喜藥得百合感黎開一株

天亦護孝子有福無災禍可化寒灘冰不犯鄰家火鳴
呼孝感召天和老萊白髮朱顏酡八十八歲翁婆娑天
壽孝子要孝多以孝傳世傳詩歌胡爲誦詩廢蓼莪

哭張南山師

望斷師門淚眼枯老成凋謝重踟躕等身便作千秋業
撒手難拋萬卷書聞見未傳空我在榮哀全備更誰如
卅年立雪情猶昨卻恨重遊願已虛

花甲閒談畫卷存壯登廊廟老田園行藏論定生無愧
毀譽經多道愈尊一鶴自盤松嶺閣八驕頻叩草堂門

由來稽古膺殊報眼見桓榮有子孫

裙屐風流屬老翁須知色色是空空更無罣礙何仙佛
但有佳遊亦冠童南國煙花離亂後東坡泥雪夢魂中
停辛貯苦無窮意都付詩囊作藥籠

名爭利戰日紛紛幾見危時自在身三尺幸爲乾淨土
百年恰是盛平人雲泉跌蕩過頭杖風雨追隨折角巾
一痛共誰同哭寢老無朋輩倍傷神

哭招鶴舟

出共圖維處共依無人知我賴君知頓聞捐館艱危日

翻憶辭鄉少壯時百種情懷傷別賦一生踪迹紀遊詩

濟南店壁潭西舍名姓留題付與誰

予與鶴舟訂交於山左濟南有桂未

谷潭西精舍數數同遊地也

訂交回首淚頻傾砥礪何期百不成萬事未完君有母
十年以長我爲兄妻孥忍覓拋任昉婚嫁重思累向平
仕隱殊途同落魄蹉跎總是可憐生

憎命文章世所悲枉拋心力筆重揮無人更賞崔黃葉
有客長吟杜紫薇圖畫卽今神鬼幻塵鐙如昨友朋稀
謝敷空爲才名誤安用星沈應少微

縞紵論交古道敦重君風誼沒猶存床頭金盡朝朝醉
篋裏書多字字溫生有嵇康宜把臂死無宋玉孰招魂
故人淪落歸何處孤負梅花舊隱村

題張德圃廉訪

敬修

畫梅卽呈

枝高出手羨寒葩攔筆長吟又八叉想見使君心鐵石
畫成梅樹骨槎枒

富貴天然畫筆呈

臬署舊有天然富貴石刻以庭前積雪成牡丹紋遂刻石題此四字云

乾坤得氣本來清牡丹艷爛梅高潔一樣凌寒雪鍊成
羣柯玉立便森森卻畏凋零雨雪侵八百單寒同此意

願公留眼到幽林

元夜苦雪

冬春飄不斷卽瑞亦嫌多人色常疑慘天心未肯和江湖停棹醉鐙月閉門過豐熟頻年慣無愁卜歲訛

輦鼓沈沈響將軍肅戰圍夜寒思挾纈春暖寄征衣客路歧宜失兵時序易違天山五月雪幸勿事金微

初得孫誌喜

予以二房孫入嗣三房祖本房人丁甚微予今年六十六歲矣望孫尤切

得孫尤喜

一笑含飴六六翁乍聞好語慶無窮及身輩起甯嫌晚

此事宗興倍有功老愛詩書應了了樂思圖畫亦融融
孫以正月十六日生時祖堂尙供遺像繞庭小草欣重秀春在先生杖履

中

呼兒一卷又新開白髮傳經次第來文字便甘詒厥讓
年華終畏汝曹催團樂作客思佳節離亂生男要異才
笑破屠蘇遲飲例餅筵先進老人杯

贈居梅生高士

集

梅翁才名振翩翩妙筆三絕如鄭虔聞名十載未識面
識面傾倒相流連流連徹夜語瑣細不及功名與時事

軍書旁午此何時君獨談詩豈無意因君談詩識君奇
所談只我兩人知吾粵曲江風雅始南園先生前後起

國初巍然三大家嶺海才華觀止矣張

藥房

黃

虛舟

黎

二樵

呂

石近時英惟君於黎思獨精五百四峯

二樵集名

峯

卓

卓

君

最高峯拔一角慕黎不必盡黎同黎太刻苦君雍容我
亦慕黎望不見以君觀黎拓心胸吳興才人黃仲則慕
黎索黎畫顏色我亦與黃同此心愛君墨寶重於金請
君自畫兼畫我兩翁相對梅花坐亂離行樂須及時花
落花開無不可

仇涉行和居梅生

梅翁示我仇涉詩讀之慙魄寒生肌匹夫匹婦經溝瀆
輕生萬萬何足錄智勇乃出甯馨兒巾幗英雄生使獨
男蛇女鼠無處藏驅人賊似驅猪羊賊不愛財且愛色
負女渡河作良久濯濯中流橫素波閃閃賊眼窺湘娥
過此一步無死地卽死已汚女奈何足盤賊背手扼頸
賊乎有力不得逞欲棄不棄賊淫癡女能殺賊賊不知
落水死尙不釋手執賊要人碎賊首女死節烈賊死冤
血入土碧翻波紅貪泉禍水此恨海精衛銜石潢池東

地名曹娥沈波死不惜死以孝父非仇敵東海勇婦誠

女英報仇殺賊須交兵貌茲弱質得奇烈就義從容在
倉卒卽今紛紛戰沙場模糊一死空國殤烈女皎皎日
月光流芳自有國史例歌詠揚清兼表異烈女東莞姓
黎氏咸豐歲在甲寅事

吳城衙署被兵旣毀重修落成予適回任於堂前
夾道種柳數株作小詩紀事

依然舊地補新枝雨露經年綠葉肥不是重來薪木重
公庭前面要生機

百劫烽煙一片沙

吳城并木盡充兵薪官兵累民何止一事

枯楊能種亦生

華後來縱折休教盡留雨三株待發芽

賞春卽興

位置亦聊適塵中水木間四時三月最萬事一官閒酒
到添遊興詩成得笑顏天恩何以報贈我好湖山

新孫彌月宴客有詩

暖風吹地月懸霄清福閒官託

聖朝老借兒孫娛晚歲樂邀朋輩展元宵鳳鸞出世先
光彩鶯燕逢春不寂寥博得圍僮歡笑報百花生日是

今朝

畫蘭圖幅爲魏柳南大令

灝題

魏侯索我題蘭筆我筆未題意蕭瑟平泉花木半烽煙
幸爾離山好顏色澧蘭沅芷德不孤魏侯秀毓青草湖
雌雄閱盡見風韻爾亦蘭臺宋大夫蓬蓬榛莽集於野
剔草馱金君走馬手提蘭鉞戰功成百里封侯亦瀟灑
封侯可喜卻可傷專城感慨蕪城荒使君別有王者香
不數桃李潘河陽卽今暫駐吳山路野草閒花正無數
願君宏此育蘭心盡掃冰霜培雨露我聞養民如養兒

恩斯勤斯萬物滋又聞養兒如養花繞庭根厚苗其芽
爲君馨香祝一紙喜氣畫蘭蘭亦喜畫到馨侯葉葉孫
啟秀披華眼前起

時大令甚望
子故視之

閒檢舊紙得袁雪舟太守

泳錫書有序

曩予攝守饒郡兼領軍務狂寇正逼郡治四十
里外無乾淨土時艱事險浮言紛起謂必不辦
太守獨許予能致書諄諄慰勉幸郡功終錄而
予亦終以浮言去任良可愧矣作詩誌太守厚

誼勿忘

故舊情殷敢忘諸干戈叢裏到鴻魚時難誰達淨沈信
任重方憂毀謗書幹濟何才空復爾知交猶慮況其餘
此行得失都身外只畏良朋屬望虛

塵篋重翻淚暗揮頓成陳迹素心違三年局定回頭散
百戰功成失意歸論事幾人爲世重贈言今日此風微
不教殷浩空函報恐落虛聲計亦非

酬張繩生廣文

恩準

張籍
湖南

一篇傳到感君歌轉問君遊興若何亂後酒樓吳地少
古來詞客楚人多潮迴柳岸停船訪風入莎廳倚壁哦

他日論文忘不得江千車馬此曾過

贈許仙屏孝廉

振祥

轉徙流離慨此遭可能李白是蓬蒿世無治亂才誰見

家有神僊劫易逃

許自云真君後人

湖海斬蛟三尺劒風塵相

馬九方臯書生例草平蠻檄記唱從軍晝夜勞

風度翩翩喜見過頓教池館氣清和閒邊看局憂疑少

亂後談詩感慨多謝屐乍停聊俯仰祖鞭纔着未蹉跎

披荆斬棘騰騰起定笑寒廳長綠莎

觀文衡山墨迹

一代名家賴主持巖巉風骨藹風姿目無權貴揮雄筆
想見藍衫潑墨時

紛紛求乞半空還片楮當年重世間幸我未昏留眼福
一編垂老讀廻環

爲陳玉屏上舍

許謨題照

蒞吳十三年災異靡不有誰與共憂患陳君惟最久憶
初下車洪濤興洪濤未已烽火生閒曹豈得言治平與
君日夕愁經營經營何功歎唧唧君以掩骼爲第一亂
麻屍積血模糊沿江收檢無暇日功高潤身卻以德畫

師畫君好顏色因君轉復悲老夫當年攝郡操軍符肅
清四境平江湖功成不得朝天衢依然閒曹一事無清
晨起來白髮梳感亂搔首方踟躕君也示我行樂圖賊
退不樂胡爲乎有鶴有芝有茶盃盤桓自撫孤松孤垂
堂卻坐七尺軀君誠昂藏好眉鬚男兒墮地志矢弧何
不起佩金僕姑階前三兩平頭奴亦令學習爲前驅蒼
頭奮擊意氣粗羣盜如毛手掃除老夫見此真歡娛英
雄豈可埋榛蕪嗚呼英雄豈可埋榛蕪

庭前植鳳仙雞冠二花皆萎於水詩以自調

恩膏何淺亦何深紅紫崢嶸各一林無限寵雞囚鳳意
到頭空費主人心

閒署習勤課僮鋤草種花花旣成矣江漲忽生所
植盡沒似聞僮竊笑謂課鋤多事者口占二十

八字

艾肥蘭瘦等蓬飄漲退閒庭坐寂寥便不繁華終淨土
免教多事効甘蕉

長日思鄉作珠江消夏竹枝詞

素馨茉莉及時芳小串長條手贈郎透入夢魂醒不得

此花纔是夜來香

乍雨旋晴又殷雷南郊何處避炎埃糊紗插竹絲絲薄
爭道潮州扇子來

嫋嫋輕舟艷艷波著蓑衫子蛋家婆歌聲載得分頭去
半荔枝灣半柳坡

悔逐征車走不休卽歸甯復少年遊城門一過三千萬
何處繁華似廣州

吳江夜泊聽鄰舟老兵彈琵琶問之知爲予統領

饒軍時舊部卒也感舊口號

西風瑟瑟撼江臯一曲琵琶水調高頭白伎人爲小校
姓名誰問薛陽陶

詠史

不須青史論紛紛兩語應能定搢紳治世肯歸危肯死
可能容易見斯人

按察使銜浙江金衢嚴道繆公節畧題後

有序

繆公名梓字南卿籍溧陽由舉人大挑分發浙
江知縣洊擢今職節畧厯叙公始終宦績軍功
蓋剛毅能任大事人也庚申二月賊逼杭城官

兵旣衆寡不敵杭又向未被寇人不知戰公知
不可戰也力持大局請於大吏與衆誓死守謂
援兵刻日可集時民心惶惑聞請大吏願死戰
則兵民乍出畏潰賴公堅守未壞大局詎援兵
久不至賊日益衆用地雷破城公督勇戰死賊
恨公苦守剖公腹斷公足棄公屍城下故公之
子得竊負暫埋於杭城公寓後園中事 聞奉
旨優卹姚韻軒大令與公同鄉總角交公生平
惟大令知最悉且確撰節畧示予屬題詩謹賦

長律二首

萬口危疑一命爭但憑忠憤作長城敢拼孤注關全局
已誓同仇耻獨生鐵券山河無恙在錢塘風浪不平鳴
題旌光照千秋筆吳會英才越鉅卿

論公豈獨在論勲志勵冰霜氣薄雲強項舊曾爲縣令
斷頭今肯買將軍良朋慷慨碑無愧壯士凋零鼓不聞
荷鍤便埋知有意桐鄉朱邑戀神君

嘲染髮

爭道風流屬少年陸郎染髮媚嬋娟豈知粧點徒多事

情重無娘白亦元

不借將軍畫筆奇
頭顱如雪笑撚髭
即今飄泊干戈際
用杜幾箇英雄有此時

登望湖亭聽湖上歌聲有感

白楊村舍綠蕪洲
亂後登臨氣易秋
一曲況聽河滿子
百年誰問海昏侯
天連吳楚山容健
地雜華夷市語咻
有英九江通商吳城遂國人在市
慚愧書生成底事
濫分符節到江頭

送陳詹甫內姪歸粵西

看爾飄然返桂林
此邦戎馬正駸駸
萬山風動苗人嘯

五夜霜寒木客吟季子還鄉他日事王郎誓墓少年心

此行爲修墓去也

羣兇豈識傳家寶珍重遺書子細尋

詹甫家賜書

樓亦被賊燬

苦熱

炙地燒天爲此禍一夏咸陽三月火世間苦盡納涼人
洞房清宮無一可乾坤運塞氣鬱蒸叢叢羣小乘亂生
蚊蠅喙比李錐利噬人如仇餽如媚瘡痍展轉不得呼
身上安有完肌膚指揮擲扇叫不應平頭奴子持大柄
冰霜雪月雷雨風一時造化天無功有功無功且莫辨

昨日鄰氛正兵燹若論賊火萬山焚礫石流金何足算
轉思避暑如避兵張皇無措空自驚讀書飲酒待賊平
放翁胡爲逐熱趨羶腥有田可耕山可住此間何樂不
歸去毋爲汗馬甯汗牛熱便牽牛着涼處

漲退回署草草布置亦復視事聊用寫懷

茫茫人海古還今小閱滄桑慨亦深萬事雞蟲爭得失
一官瓜李比浮沈陳蕃灑掃無閒力元結流亡有愧心
轉恨十旬風浪惡不然江樹綠成林

龔小舫少尉

士第

罷官後以所著詩文稿見示予

悲其文富而遇窮也題長律報之

一官瀟灑脫塵纓依舊垂帷老董生能作時文偏忤俗
不求科第自成名東方粟盡飢寒慣北郭竿多去就輕
興發重談年少事看花騎馬入春明

哭蔣矩亭

墨汁三升血一斗半哭功名半良友浮沈宦海老不歸
茫茫世事休回首我識蔣侯方少年褐裘公子風翩翩
清詞妙墨逞三絕高談鴻論驚四筵琴棋鐘鼎絲竹肉
餘事並足傾羣賢春卿拾才乃不第牛刀入手烹小鮮

鳳凰在敍驥伏櫪名士作吏宜招徠理繁治劇議改簡
一謫十載如寒蟬我時從軍正負氣功成不賞訪書至
落魄歸來復遇君各吐胸中不平事如予櫟散何足憐
似君才調森枏榘懷材豈肯世不用果也檄召催乘軒
赤縣重膺才愈展未幾忽驚丹旄返終知憎達是文章
孝標有命誰能辨吁嗟乎悲哉窮達有命悔不讀書讀
書求官計已疎以君長才不受縛馳騁所至當何如胡
爲一誤又再誤微纒苦死羈塵軀闕茸尊顯英俊沒徒
令弔古長歎歔憶昔送別滕王閣重語升沈雙淚落嗟

予憔悴老江湖看爾飛騰亦冥漠秋風慘慘凌江郊懷
人今日誰知交徐陳應劉日凋謝壯心已逐浮名拋少
無宦情況衰老進退不決真懸匏曼容官止六百石不
死聊以爲解嘲

哭陳蓮史中丞

公歿已三年哭公無一字此恨關天下一哭百感至公
誠醫國手已病不得治膏肓非泉石胡爲引疾退愁到
亂語言慝久入肝肺嗟哉盛孝章以憂過一世緬想公
生平事事求精勵直道古難行志願安得遂我頗知公

心曾爲公陳義同憂亦同樂治以寬猛濟奈何欲養民
先自形憔悴公聽亦無言仰首但長慨嗚呼今已矣痛
公轉籌慮自從公歸後四海日多事滔滔江流下厯厯
劫火燬當其未事時知公早預計豈無幹濟才束手疑
無地欲起挽瘡痍無力已痿痺想見公泉下尙灑新亭
淚我因語諸孤勉體乃翁意寰區指日平毋忘告家祭
題溧陽荆門狄公孝義錄應喆嗣禊生大令已所
之屬

世亂輕儒生有書不得讀一卷謝狄君貽我孝義錄溧

陽荆門公孝親而睦族孝爲百行本義首萬間屋

文廟及貢院捐貲任修築修城修橋路義事數難足公
歿善在人請

旌列尸祝全錄我流連事事快心日讀罷慨然感時事
爲公觸自從亂寇生四海半荼毒公居誠仁里難保不
擾漬不知諸義舉是否無傾覆卽今亂未已干戈日馳
逐舉世重功名孝義誰能篤此時公若在得不爲世哭
指日見時平亟使瀉風復

朝廷崇祀典所以維風俗善迹不留傳後人何薰沐深

賴賢子孫勸世載家牘殷勤語狄君雖亂守敗麓盜賊
安得知此寶勝金玉我已藏青箱世世善相勗

酬鮑小澗學博

源藏

作客投危地知君非好遊書生三尺劍脊屬一扁舟殘
市簪鐙夜孤亭鼓角秋但無飛羽警何處不淹留

憂時第一事米價問江東逐逐中原騎嗷嗷下澤鴻英

雄長乞食將帥正論功莫更懷鄉國陰晴萬里同

時值中秋

地據湖山勝能來亦散仙登樓懷抱放題壁姓名傳憶
別愁邊酒聽歌亂後絃良宵應勿負風月固踰躔

慚愧關津吏年年款客殷酬詩結韓孟作賦識機雲

兼謂

今兄花俗薄論交重時危問訊勤過江才不少今日又

逢君

中秋邀裴雲浦賴虛舟楊依廬章秀峯小集望湖

亭賞月

莫作悲秋賦良辰有此胥江湖閒歲月樽俎舊賓僚性
懶憑詩促蹤疎折簡招平生愛清賞見月不曾饒

憂世非吾輩時難感易增右營防卒在

時吳城防堵爲水師右營也

左語市人能

謂九江通商

豚柵汚池屋

今夏江水大漲

漁家劫火

鐙

青衫閒散淚觸撥亦無憑

行樂及時好流連生慨慷月嫌秋夜短風是大江長北
里自歌管南樓方詠觴悲歡同此夕萬古思茫茫

此夕尋常有人誰去復回五湖今作客八境昔登臺

與

雲浦盧舟同客贛州中
在借同人集八境臺

下里重酬唱中年足樂哀老夫

吟紀事還欲證將來

讀徐東松遺稿感賦

一卷飄零淚數行賣文幾客得還鄉欲將牛酒陳祠墓

葬盡才人是未陽

東松客死
未陽縣墓

知交垂老散如雲
感到曹楊倍憶君
一語千秋和淚讀
有誰後世定吾文

東松曾爲予作詩集序忽失落而東松已他出竟不可尋

和人露筋祠

節烈從來不顧身
露筋談着倍酸辛
么麼毒口君休怨
憑藉成名大有人

王小初太守

之藩

屬題攬轡圖照

叱咤衝開驛路煙
書生騎馬遂朝天
悲歌斫地非吾事
今日王郎正少年

一枝竹節勝珊瑚
長袖垂垂立馬呼
誰識使君鞭策意

掃除荆棘便懸蒲

圖作長袖垂手執鞭狀

題周杏農侍讀

壽昌

詩集

一管龍門筆提攜萬里遊聲華習鑿齒經籍賈長頭到處江山助何人家國憂因君懷勝槩曾上岳陽樓

送悔道人入道兼柬馬仙樵

肯拋塵網卽雲階安用求丹換骨骸人世膏粱原短夢

神仙酒肉是長齋讀書未必無愚懣

天上無愚懣仙人用唐人語

學

道從來有詆排事業千秋歌一曲乖崖到底不曾乖

瑤壇寶座肅森森上界官多職易沈仙籍無名甘懶散

秘書難會苦艱深金泥玉檢空班馬竹笠芒鞋自向禽
麟鳳莫輕雞犬笑藥爐長守極深心

水火龍蛇事事歧回頭雖悟不勝悲三千劫重知何了
半百年過悔已遲雞肋功名成亦敗虎頭情性黯兼癡
撫膺忽下窮途淚蓋世英雄有此時

先生風骨幾生修閱盡濃春又冷秋甚欲入林難把臂
只除拜石不低頭偷桃有術饑臣朔賣藥何功笑伯休
終是語言文字累世間詩卷爲君留

與裘雲浦世兄帶話舊有贈

與君磨礪是金戈利鈍難憑奈世何
少小論交更事久

亂離談舊覺情多
一行作吏千夫長

雲浦以軍功得府照磨時團練吳城

管帶水師

萬里封侯八月河
今日湖亭樽俎會
可堪榮落唱

迴波

題族叔植園公遺集

南山先生文教持
藝談錄著羅英耆
吾叔植園名附垂
秉筆特書大布衣
布衣不傳傳必奇
吾叔讀書卓犖姿
文壇一蹶棄如遺
棄俗訪古求軒義
隨身古澤珍陸離
好古豈肯隨時宜
卓立風骨標型儀
昔洋商入鄉賢祠

捐紳攻之繫獄危叔任橐籥日奔馳市僧奪魄儒光輝
偉哉布衣綱常維吾粵省志局分司總纂例是才金龜
謂叔嗜古宜精思博採金石徵殘碑卓哉布衣史筆揮
從茲譽滿南海陞布衣如叔古亦稀裁冠博帶空委蛇
韋布特出多歧疑王侯可傲頭不低憤或伏闕書陳辭
書生不以名位歧要非萬卷安能爲南豐鉅筆何崔巍
曾學博爲叔作傳期嗣徽叔能讀書叔有兒傳家克守韋
編韋叔子昔隨我絳帷謂晉廷弟一別千里卅年違致書索
我爲叔題題成願作家箴規讀書種子非叔誰如叔讀

書心勿疑一卷如金如璧圭子子孫孫永寶之

答晉廷族弟寄贈

望鄉何計正鄉愁忽喜鄉書驛路收花萼詩篇新唱和

竹林裙屐舊交遊

謂植園叔

老思碩果存無幾樂幸連枝興

未休到底故瓊拋不得征衫纔着便淹留

可堪人事更滄桑感舊傷離易斷腸世遠莫忘蘇氏族

時議修族譜

風瀉還憶鄭公鄉一官親戚拋行路百劫田園

屬戰場今日老懷誰共訴爲君吟詠醉傾觴

贈南昌大守王霞軒姻丈

必達

居高風化易提倡赫赫洪州首豫章若論性情原守白
偶逢際遇卽徵黃勞多閱歷爲經濟亂定恬熙亦慘傷
疊奉薦書君勿負漢廷能更是循良

少年馳譽已駸駸美玉崑山樹桂林出處經營防進銳

讀大集知由知縣改中書復由中書改知縣到江後則隆隆直上矣文章沈着見功深世
無頗牧雄誰起軍功保舉家有申韓律易尋尊甫守之先生爲粵西名幕

看取西山南浦畔棠花春到便成陰

宦海浮槎圖爲弓篠薌刺史題

槎客至斗牛天上神仙事張騫漢功臣附會殊無謂漢

皇重開邊用武窮陬溼偉哉萬里侯博望豈遊戲讀君
浮槎圖浩蕩見胸次想君作楫才力可巨川濟頻年孫
盧宛海疆恣烽燧所恨非操江不得狂瀾制徘徊濠梁
上聊作漆園吏然而百里職甚有四海志萑苻澤苟平
桃李縣盡治艱難憤擊楫澄清待攬轡卻念不得泊宦
海畏風利白髮正悲秋我憶蓴鱸味試問浮槎翁可以
收帆未

因公赴省信宿莫堯貲刺史寓齋話舊有贈卽送
之任鉛山

三年一別念深深寄託甯煩鄭驛尋捧檄雪泥遊宦迹
聯床風雨故人心愁多莫斫王郎劍亂定重彈宓子琴
惆悵江湖添舊話乍題襟處又分襟

卽今艱鉅要君身欲隱空勞去住頻

堯冀既歸檄召復出

足穀難

爲大老子種花須及小陽春

到任十月

未完案牘應關數已

定田園勿厭貧知否鷺湖談學地亂來兵弁勝儒巾

贈賴虛舟

一床衣劍半窗書傳舍頻留當故廬入市不爭疑大隱

離鄉雖苦勝閒居囊空購古豪無價

虛舟路見古書燭古玩必買以歸

跋論文興有餘檢點詩篇歸篋滿此行所得未全虛
雪來柳往太紛紜惆悵登樓日又曛烏帽疲驢湖上路
白衣蒼狗嶺頭雲十年蓬累同爲客九日花開恰遇君
壺榼屢邀知意否亂離逢舊倍殷勤

楊依廬出所藏忠愍公乾坤清氣圖屬題

圖寫梅蘭兩花

乾坤清氣知何着萬古冬青標卓卓宋相梅花鐵石貞
楚臣蘭芷風波惡觥觥忠愍一代豪功名節烈餘文學
丹青豈足爲公傳筆鋒所到皆廉錫絕命詩猶慷慨吟
傳神筆想淋漓落千載流芳托素心一枝獨立推寒萼

當年貪毒恣權奸，彝鼎圖書盡搜攬。我公鐵筆氣縱橫，肯入東樓多寶閣。有明文苑固多才，唐戴沈文爭卓犖。須知書畫以人傳，眞贋何容細叅推。因君讀畫氣清芬，令我題詩意悲愕。吁嗟喬木繫故家，夕陽亭久埋蒿薄。關西夫子繼者誰，一千年後椒山作。君爲清白好子孫，毋使風流悲寂寞。

見江上遊妓

訪客扁舟入暮虛，強挑絃索衍連珠。不勝今昔江州感，卽論琵琶調亦殊。

接差

打鼓聲喧風正秋前河舟又後河舟青衫白髮江頭吏
慚愧逢人問督郵

送舒椒孫刺史

孔安

之官山左

頻年捧檄走匆匆東郡趨庭認舊踪廿載重遊迎竹馬

三椽老守付茅龍

時營里宅

論材合挂吳鉤佩考績方頒漢

詔封

軍功保舉

莫笑一州如斗大此中豪傑儘能容

繁劇需賢絡繹催此行知爾壯心恢過江不羨蘆中客
到境先收稷下才露冕有光隨地見風帆無阻及時開

他年治行頻書最都自傳家譜裏來

爲黎杏雲文學

嘉煦

題不繫舟圖照

萬里封侯事亦輕升沈何必問君平題詩贈汝期頤福

穩坐仙槎過一生

圖中題詠惟易君期頤一首最真切有味

九江通商客多吾粵談親叙故黯然有詩卽柬諸

同鄉

亂來里社倍情深異地同遊卽故林薜蘿久嘗知世味

洋菜茶爲最重

梅花頻問見鄉心干戈出沒浮踪合簪履存亡

舊夢尋忽憶客衣三澣過爲君勞苦聽秋砧

時平四海不揚波壯觀佳遊興若何
獅國乍通宜賦重
雞林纔返定詩多
三春蛟蜃烟雲市
萬里鯢鵬斗宿河
愧我欲歸無遠畧
經營只辦釣魚簑

題鮑古村先生釀齋詩卷

陶詩高古今鍾磬入中品
東坡一世豪低首愛陶甚
陶固古之狂萬類納一覽
此中有真腴不與世濃淡
郊島關町畦韋柳峻門檻
遂使山澤癯苦心學寒儉
誰識柴桑村笑語盡豐稔
每讀高淡文刻意爲精審

吾愛紀文達說理語不朽
又如米做飯詩如米做酒渣

滓盡消除精液虛以受乃知淡薄味醞釀固已久否則
托空言其中恐無有好古僞秦漢矯飾爲拙醜音何取
土鼓器何取瓦缶

白詩婦孺知而論極淵博謂文須雕藻直致戒鄙學當
代王新城組織炫斑駁卻怪隨園叟譏以才力薄文章
別有真匪繫華與樸偶讀釀齋詩味淡耐咀嚼想見脩
甘苦如籠儲百藥因之述舊聞題詞更商榷

題方樹人文學本詩卷

況是凋殘歷劫冤文章一代幾人存鏡湖風月歸詩卷

今日方干有子孫

我愧人間冗長官江湖寥落地天寬平生未了惟詩債
得句珍於白玉盤

送單地山侍郎督學江右事竣還朝

斯文未墜道堪攀冠蓋龍門幸識顏一代愛才能幾見
十年梗化况多艱澤留江水陳興去聲動星辰鄭履還
慚愧蕭條孤特賞青衫遙送淚痕斑
調元贊化

命方新此去如雲屬望頻卿月使星天北極嶺花江草

日南春

先後視學
粵東江西

三朝久湛

螭坳露八座先清驛道塵

泰運正興良弼重知公靈淑應生申